



Broj: 07-2-269-13/18

Sarajevo, 13.02.2019. godine

Na osnovu člana 64. stav (1) tačka b) i čl. 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: 07-2-269-12/18 od 12.02.2019. godine, u postupku javne nabavke usluga identifikacije tipova staništa i vrsta 2000 NATURA sa pratećim GIS podlogama u zaštićenim prirodnim područjima Kantona Sarajevo, direktor Kantonalne javne ustanove za zaštićena prirodna područja je d o n i o

## O D L U K U

### o izboru najpovoljnijeg ponuđača

#### Član 1.

Prihvata se Preporuka Komisije za javnu nabavku, broj: 07-2-269-12/18 od 12.02.2019. godine, te se dodjeljuje Ugovor o vršenju usluga identifikacije tipova staništa i vrsta 2000 NATURA sa pratećim GIS podlogama u zaštićenim prirodnim područjima Kantona Sarajevo ponuđaču **Prirodno-matematičkom fakultetu Sarajevo** čija cijena ponude iznosi **12.100,00 KM bez PDV-a**, te ukupnom cijenom sa uračunatim PDV-om u iznosu od **14.157,00 KM**.

Ponuda ponuđača je ocijenjena kao najprihvatljivija ponuda.

#### Član 2.

Ugovor o vršenju usluga će se dostaviti na potpis izabranom ponuđaču navedenom u članu 1. Odluke nakon proteka roka od 15 dana računajući od dana kada su ponuđači obaviješteni o izboru najpovoljnije ponude.

#### Član 3.

Ova odluka objavit će se na web-stranici Javne ustanove [www.zppks.ba](http://www.zppks.ba) istovremeno s dostavljanjem ove odluke i obavještenja ponuđaču.

#### Član 4.

Ova odluka stupa na snagu danom donošenja.

### O b r a z l o ž e n j e

Postupak javne nabavke pokrenut je Odlukom direktora Javne ustanove. Usluge identifikacije tipova staništa i vrsta 2000 NATURA sa pratećim GIS podlogama u zaštićenim prirodnim područjima Kantona Sarajevo su provedene putem konkurentskog zahtjeva za dostavu ponuda. Na Portal javnih nabavki je poslata Obavijest o nabavci broj: 522-7-2-130-3-18/18 dana 10.12.2018. godine.

Također, obavijest o pokrenutom postupku javne nabavke je upućena je na adrese tri ponuđača.

Sa portala Javnih nabavki TD sa aneksima je preuzeo 12 ponuđača. Na tendersku dokumentaciju je jedan od potencijalnih ponuđača uložio žalbu. Ugovorni organ je u zakonskom roku dao izjašnjenje na žalbene navode i izjašnjenje sa cijelim spisom predmeta dostavio Uredu za razmatranje žalbi. URŽ je donio Zaključak broj: JN2-03-1-1748-7/18 od 10.01.2019. godine kojim se odbacuje žalba ponuđača kao neuredna. Ugovorni organ je dostavio obavijest o nastavku postupka javne nabavke i odredio rok za dostavljanje ponuda.

Komisija koja je imenovana Odlukom direktora je pored sačinjavanja tenderske dokumentacije, izvršila javno otvaranje ponuda, analizu ponuda u formalno-pravnom i suštinskom smislu, te sačinila zapisnik o ocjeni ponuda i dala preporuku o izboru najpovoljnijeg ponuđača, u predmetu nabavke usluga identifikacije tipova staništa i vrsta 2000 NATURA sa pratećim GIS podlogama u zaštićenim prirodnim područjima Kantona Sarajevo, te dostavila direktoru Javne ustanove s ciljem donošenja konačne odluke.

Na osnovu gore izloženog, direktor Javne ustanove je odlučio kao u članu 1. Odluke iz razloga što je kvalificirani ponuđač Prirodno-matematički fakultet Sarajevo ponudio najnižu/najprihvatljiviju ponudu cijene usluga.

Tenderskom dokumentacijom je ugovorni organ tražio dokaze po pitanju lične sposobnosti navedene članom 45. stav (1) tačka c) i d) Zakona o javnim nabavkama. Izabrani ponuđač je u svojoj ponudi dostavio tražene dokaze kao ovjerene kopije, te se samim time oslobađa obaveze naknadnog dostavljanja istih u roku od 3 (tri) dana od dana prijema ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu tj. Kantonalnoj javnoj ustanovi za zaštićena prirodna područja u pisanoj formi direktno ili preporučenom poštanskom pošiljkom na adresu ul. Branilaca Sarajeva 28, 71 000 Sarajevo. Žalba se podnosi u dovoljnom broju primjeraka, a koji ne može biti manji od 3 (tri) primjerka.

**DIREKTOR**

mr. sci. Osman Delić

Dostaviti:

- 1) Prirodno-matematički fakultet Sarajevo,
- 2) ENOVA d.o.o. Sarajevo,
- 3) Grupa Ponuđača Institut za građevinarstvo (IG) d.o.o. Banja Luka
- 4) Wald- Projekt d.o.o. Bosanska Krupa,
- 5) JP „Bosanskohercegovačke šume“ Sarajevo
- 6) za objavu na web stranici Javne ustanove
- 7) u spis predmeta